

ابوذيات

في اهل البيت عليهم السلام

2022



كتبتها / محمد سعيد ال يوسف

ابوذية وَسَعَه

ارض الله يساعي الخير وَسَعَه
اذا رايد عمل اقصد له وَسَعَى
لا ايضيق الصدر ياخوي وَسَعَه
ابصلاتك عالنبى خير البريه
واسعه - اُقصِد - اجعله يَتَحَمَّل

ابوذية وعطفه

في حق امير النحل عليه السلام
علي اقليبي اِلْكَ هاوي وَعُطْفُه
حَبِّكَ يَنْعَرَبِ اسمه وَعُطْفُه
يَغْمُرنا الولي ابلُطْفُه وعطفه
وابيوم الحشر يعطف عليّه
يُمِيل - عطف لغوي - الشفقة

ابوذية اربح ابهم

من ايام الطفوله اربى حبهم
تجارتهم محبّه اربح ابهم
كلما كَبُر سِتِّي اربى حبهم
حُب آل النبي واجب عليّه
أنشأ حُبِّهم - اكسب بهم - زاد حُبِّهم

ابوذية من دار

في استشهاد الزهراء عليها السلام
بعد ام الحسن للرحى من دار
علي ما لقي الزهرا ادور من دار
مثلها ماجرى ابهاالدار من دار
فيها انكسرت اضلوع الزجيه
الدوران - التفت - البيت

ابوذية مرماي
في حق فاطمة الزهراء عليها السلام

حول القبر چته اتقول مر ماي
عن قبرچ اسایل ضاع مرماي
ابكاساته الصبر شرّبنا مر ماي
ولا ندري ابترّب لحد الزچيه
جرى الماء - مقصدي - المر

ابوذية وصاحب
في حب اهل البيت عليهم السلام

انا للحق وفيّ دايم وصاحب
وصاني والدي ابصغري وصى حُب
امّي تهمس ابحيها وصاح اب
همسي ابحُب علي وحُب الزچيه
لازم - وصية - نادى الاب

ابوذية مطبنا
في حق صاحب العصر والزمان عجل الله فرجه

مجروحين بغيابك مطبنا
على جُرف المِحن دَهري مطى ابنا
نمشي بالدرب والهم مطبنا
يمتى انطيبّ بالطلعه البهيه
شفاء - ركب بنا - عشره

ابوذية على اورود
في حق صاحب الزمان عجل الله فرجه الشريف

نقرا سيدي النديه على اورود
سقيننا الشجر واشجارك على اورود
على ادروباك نجى وانت على اورود
تجينا ابحال واورودك زهيه
اجزاء - اوشك خروج الورد - على مجئ

ابوذية من وصلها
في حق فاطمة المعصومة عليها السلام

موت الرضا لِخُتته مِن وصلها
عقب الموت قِل لي مِن وصى الها
وَصَل الرضا الواجب من وصلها
اذا اتزور الرضا اتزور الابيّه

الوصول - الوصيه - الصلة بالزيارة

ابو ية ولكحل
في حق امير المؤمنين علي عليه السلام

اَدْتنا اَبْحَسَد عَيْنُكَ وِلْكَ جِل
اذا اتريد القُرْب مِنّا وِلْكَ حَل
علي حَبّه الدوى العينك ولكجل
علي ما يَجْتَمع حَبّه اباذِيّه

ابوذية فصلّى
في حق النبي المصطفى صلى الله عليه واله وسلم. الاية: (وَ ذَكَرَ اسْمَ رَبِّهِ فَصَلَّى)

نصيب الهادي من ذُكره فَصَلّ له
بِفُصُول العباده اَشْتَقُ فصل له
كِل مَنْ يذکر اسم الله فصلّى
صلاة اعلى النبي خير البريّه

قَسَمَ لَهُ حصة - فصول العباده - الصلاة على النبي (ص)

ابوذية وقصاك
في حق الرسول الاعظم صلى الله عليه واله وسلم

مسراك الحرم من مكه وقصاك
وَمِن مثلك بَلْغُ للسدره وقصاك
للهجره رسالت مُجِب وقصاك
وصارت هَجْرَة الحُب يثرِيّه

مسجد الاقصى - مَدَاك - اِبْعَدَاك

ابوذية ومعبد
الغير الله ابد مَرَكِح ومعبد
ضريحك يا علي مسجد ومعبد
نجاتي انت اذا تسمح وَمَع بُد
بُدِّي انجان جنّه اتصير ليّه

العبادة - جامع - نصيب

ابوذية وسلّم
في حق الرسول الاعظم صلى الله عليه واله وسلم

صَلِّي اعلى النبي و آله وسلّم
حَبّه للبشر معبر وسلّم
إِسْأَل عن فضائلهم وَسَل لِم
من الهادي فضائل أحمديه

السلام - مرتقى - اطلبك ان تجمع

ابوذية وسلبه
في حق الرسول الاعظم صلى الله عليه واله وسلم

ابميلاد النبي اُدْعُوا وسل به
مُوجِب للقلب حَبّه وسلبه
والْحُب سيطره العقلك وسلبه
يسلب كل عقل خير البريه

توسل - شحنة سالبه - استولى عليه

ابوذية يحضر
في حق الامام العسكري عليه السلام

ابصحن العسكري الموعود يحضر
وعن عين العدا لوجوده يحضر
حتى لبدوي من بدوه يحضر
ويشاهد هالحضاره العسكريه

حضور - يمنح - حَصْرِي

ابوذية وحيناً
في رحيل رسول الله النبي المصطفى صلى الله عليه واله

دنى امصاب الفلك يومه وحينه
عند باب النبي واقف وحيناً
ويحزن بيت ميتنا وحيناً
بعد ما يأذنه خير البريه

اوانه - الوحي - الحي

ابوذية من سبيها
في حق السيدة زينب عليها السلام

هيه الشام ضاقت من سبيها
الينا اهنالك مرقد منسى بيها
كلمات الخطابه منسا بيها
من تخطب تهش قوم البغيه

من السبي - لا انسى بها - بها عصاة

ابوذية واستمر به

درب احسين جنه واستمر به
مراره احسين قتله واستمر به
واسهر ليل حزنه واستمر به
ودمعاتك على اخدودك جريه

الاستمرار - المراره - سهر الليل

ابوذية قاطع
في حق الامام الرضا عليه السلام

مسافه المشهدك اتمنى قاطع
مر بيه الوقت كالسيف قاطع
مجبور انقطع مو لتي قاطع
صعبه يالرضا افراقك عليه

مشى - ماضي - تارك

ابوذية ندى

في مناسبة تزويج النورين عليهما السلام

علي الكرار ما حد صار نده
بالكون انتشر فواح نده
نزل مثل الندى وعالتاس ندى
ومننه اتعطرت كل البريه

نظيره - عطره - نداوه

ابوذية صفعه ليهم

في منازة امير المؤمنين عليه السلام لمرحب في معركة خيبر

من ترجع يمرحب صف عليهم
صف الموت ازیده صف عليهم
ضربة علي المرحب صفعه ليهم
بعدها ما رجح واصبح رميه

اوصف علي - صف فوقهم - ضربة لهم

ابوذية اربح ابهم

من ايام الطفوله اربي حبهم
تجارتهم محبه اربح ابهم
كلما كبر ستي اربي حبهم
حُب آل النبي واجب عليه

أنشأ حُبهم - اكسب بهم - زاد حُبهم

ابوذية امسك

يومك فيه صفحة عمل امسك
ضميرك خلّه يحچي وانت امسك
يدلك عالطريق اوياه امسك
طريق المصطفى وحيدر وصيه

الامس - اصمت - تعلق به

ابوذية له اجره
في ذكرى استشهاد الامام الصادق عليه السلام

إمام الكاظم انعظم له اجره
على افراق الولي دمعي له اجرى
بيت الما يعزيهم لهجره
وقيم ابدمعتي ذكرى الرزيه
له الاجر - جرى لاجله - اتركه

ابوذية تفتت ابها
في حق الامام الحسين عليه السلام

راياتك عوالم تفتت ابها
صعبه اقلوب حره تفتت ابها
عدوانك تهايم تفتت ابها
علينا وما تهمنا كل اذيه
تدور بها - تذهب حرارتها - الافتراء

ابوذية وما ابها
في فضائل امير المؤمنين عليه السلام
اسايل عن ضوى القبه وما ابها
بهية قبة الوالي وما ابها
شمس الكون رجعها ومي ابها
تحت القبة تشرق عالبريه
ماذا بها - ما احسنها - ذهب بها

ابوذية وصمته
هواكم ققلت بابه وصمته
جعلت الحكمة بلساني وصمته
وصموني ابهوى وأنا وصمته
اشد لعدا هوى الفتنة الرديه
امتنعت عنه - السكوت - عابه

ابوذية حَجَبِه

باب الحُب عن الحِسَّادِه حَجَبِه
لِديار البقيع اهنالك حِجْ بِهِ
وابنور الولايه القلب حَجَبِه
يَظَلُّ احجاب عن جَمَر الصِّلِيَّه
اجعل له حارس - أَقْصِدْ بِهِ - اجعل له حجاب

ابوذية وأنزل

غفر لذنوب للتائب و إن زل
ماي امن السَّما قَدَّرَ وأنزل
رَفَعْ عبده وفتح جَنَّاتِه وأنزل
عبادِه ابطاعته ورحمة نبيِّه

الزلل - نزول - اسكن

ابوذية اوافيه

في حق صاحب العصر والزمان عجل الله فرجه

المهدي ابأبي كَهَفِ قِلْ لي اوى فيه
عندي اوياه عهد لازم اوافيه
رجا امن الله ودعا ابشوفُه اوافيه
ويدليني سبيل ابن الزجِيَّه

سكن فيه - الوفاء - التقى به (آتيه)

ابوذية وفرضه

في حق امير المؤمنين علي بن ابي طالب عليه السلام

شاطي للسُّفُن حُبِّكَ وُفْرَضَه
يَمَنَ للدين اركانه وُفْرَضَه
بُرْهان الفلك عندك وُفْرَضَه
علي اَبْرَدِ الشَّمْسِ بَرَهْنَهَا لِيَّه

مرسى - الواجب - اجعله فَرَضِيَّة

ابوذية صدحنا
في حق صاحب العصر والزمان عجل الله فرجه

تَعَلَّيْنَا ابْأَمَلٍ نِصْعَدُ صُدْحَنَا
لِيَالِي الْفَرْجِ خَلَّ تَسْمَعُ صَدْحَنَا
تَرَدَّدُ صَوْتُنَا وَنَسْمَعُ صَدَى أَحْنَا
إِلَهِي بِالْفَرْجِ لِابْنِ الزَّجِيَّةِ
سطح المنزل - نشيدنا - الصدى

ابوذية من جميله
في حق امير المؤمنين علي بن ابي طالب عليه السلام

لو كل قَلْبٍ منجم منجمي له
نعمه انعيش كلنا من جَميله
اذا تسألني عنها من جَميله
ولاية حيدرہ النعمه عليه
اجعل له منجم - الفضل - الجَمال

ابوذية شعله
في حق السيدة زينب بنت علي عليهما السلام

مولد زينب الهالكون شُغله
كل مؤمن حمل للشعله شَح له
نسبها العالي بين الناس شَعَلَى
والدها علي وامها الزجِيَّةِ
موقد اضاءة - سطح له - ما اعلاه

ابوذية راويه
في حق امير المؤمنين علي بن ابي طالب عليه السلام

غدِيرِكْ يَا عَلِيَّ لُقَادِي رَاوِيهِ
وَأَنَا السِيرْتَهُ بِالْفَرْجِ رَاوِيهِ
جَنَّهُ أَبْيَعْتُكَ لِلْمُحِبِّ رَاوِيهِ
لَمَّا ابْيَايَعُكَ يَبْدِي التَّحِيهِ
ساقِيه - اتحدث به - اجعله يرى

ابوذية منشور
في حق امير المؤمنين عليه السلام

على أمر الولاية ابد منشور
اسمك من ازل باللوح منشور
علي بيدك علم للمهدي منشور
يرف برض الخلافه المهدويه

لا نشاور عليها - مكتوب - نصب الرايه

ابوذية قبله

في حق الامام علي عليه السلام

دَحَلْتُ الْمَشْهَدَكَ مِنْ بَابِ قَبْلِهِ
عَلِي بَابُكَ تَرِكَ بِالسُّقَّةِ قُبْلَهُ
حُبِّي لَكَ عِشْقُ وَالْكَانِ قَبْلِهِ
لَبْنِ امِي اَعْلَى حُبُّكَ عِشْقُ بِيَّهِ

القبلة - تقبيل - سبقه

ابوذية ولفته

في حق الامام علي عليه السلام

اسم المرتضى ابصغري ولفته
حاز امن النبي نظره ولفته
علمه لا وصل واحد ولفته
مثل حيدر اذا يفتي ابقضييه

الالفه - بادره - الفتوى

ابوذية ولدنا

في حق امير المؤمنين عليه السلام

حُبُّكَ مَنزُوعٌ يَوْمِنُ وِلْدَانَا
فَصَدْنَا اِزْيَارَتِكَ يَمَّكَ وِلْدَانَا
اَتَعَلَّيْنَا عَلِي اَبْحُبُّكَ وِلْدَانَا
نَكَّرَ اَمْرَ الْوِلَايَةِ الْحَيْدَرِيَّهِ

الولاده - التجانا - الاسفل

ابوذية وُبَاخَه

في حق صاحب العصر والزمان عجل الله فرجه

يمن للفرح مسرح له وُبَاخَه
تعب صوت المحب نَدْبُكَ وُبَاخَه
كَشَفُ يبن الحسن سُرُّهُ وُبَاخَه
قلبنا المِنْجُمُ يشعل ثرِيَّه
مكان فسيح - ضعف - اعلن

ابوذية تُرْبِهَا

في حق صاحب العصر والزمان عجل الله فرجه

متى اَبْجَقَّكَ فَذَكَ تِرْوِي تُرْبِهَا
وانت اعيون للزهرا تَرَى اَبْهَا
بهِيَّة طلعتك واهيَّه ترى اَبْهَا
عليها طلعتك يبن الزجِيَّه
التراب - تنظر بها - من البهاء

ابوذية من نَشْدُنَا

في حق الامام الهادي عليه السلام

مقام الغيِّه عَنَّا من نشدنا
جَنَّة الصوت عَجَلٍ مِنْه شَدْنَا
يريت اليوم حاضرٍ مِّن نَشْدُنَا
للهادي فرح ننظم بُدْيِيَّه
سألْنَا - لفت انتباهنا - النشيد

ابوذية جَنِّ حَرْفِهَا

في افراح محمد وال محمد صلى الله عليه وآله

قصيدنا اِبْمَدْحُهُم جن حرفها
سمعها الطير غرد جنحه رِفْهَا
اذا شغنا المعادي جا انحرفها
نخليها هجا عالناصبيه

هامت شغفا حروفها - رف بجنحه - نغير مسارها

ابوذية لَبْنُهَا
في حق الامام الهادي عليه السلام

تنوح الزهرا من تلفي لبنها
تشوف الدار متصدع لبنها
دار النوح يالهادي لبنها
وقيم اعليك ماتم هالمسيه

الى ابنها - الطوب - ابنيها بنيانا

ابوذية صرع له
في حق امير المؤمنين عليه السلام

علي بالحومه كم فارس صرع له
طه من رفع كفه صار اعلی
كل من يبغض الحيدر صر اعلی
جهنم دار يسكن سرمديه

طرحه - ارتفع عاليا - من الإصرار

ابوذية بها انبیت
في حق العسكريين عليهما السلام

بدياري صدح صوتي بها انبیت
نويانا انزور سامرا بها انبیت
مُهَج نبذلهن اونبني بهن بيت
ونسكن يم ضريح العسكريه

بها انبات - نبقي بيانا - نبني داخلها

ابوذية من علينا
في حق امير المؤمنين عليه السلام

علي لوما علي انت من علينا؟
وغيرك الله نصب من علينا؟
علي شغناك عالي من علينا
علي عالي على كل البريه

من علي لنا - من صار علينا؟ - من ارتفعنا

ابوذية راحات
في حق امير المؤمنين عليه السلام

ساعات القَصْت بالنجف راحات
علي لامس على السبّاج راحات
عطت للروح ويا النفس راحات
فضلها ازيارتك اعظم هديّه
مضت - راحة الكف - الراحه

ابوذية شاركون
في حق امير المؤمنين عليه السلام

فرحه وفيها كلكم شاركونا
امن الله علينا شاري كونه
بس الله عطا له شاره كونه
امير ابأمرته كل البريه

من المشاركه - اشترى الكون - وسام لأنه

ابوذية وصلها
في حق امير المؤمنين عليه السلام

للكوفه علي لمن وصلها
كل لقطار وابحكمه وصلها
تفرش له الارض طينه وصلها
ذهب من توطي رجله اعلى الوطيه
اتى اليها - اوصلها ببعض - اصلها

ابوذية ونسجتها
في حق امير المؤمنين عليه السلام

لكتب لك قصيده ونسجتها
لوصف نسوه لثك ونسى جنها
وخطها اعلى الستاره ونسجتها
تصير استاره للكعبه زهيه
انظّمها - جاءو بالأنس - الحياكه

ابوذية زورونا
في حق امير المؤمنين علي بن ابي طالب عليه السلام

عن قبلة علينا زاورونا
يريدو انزور غيره زورونا
شيعه واباسمنا زورونا
روافض والهويه جعفرية
حرفونا - الزياره - تزوير

ابوذية وعوده
في حق الامام الحسين عليه السلام

ضريحك فاح لي مسكه وعوده
يارب انكتب زرتة وعوده
وعد لحسين ما يخلف وعوده
جنه من يزور الغاصرية
عطر العود - اعيد لزيارته - الوعد

ابوذية ولائي
في حق الامام الكاظم عليه السلام

إمامي الكاظم ابحك ولائي
لائك للظلم تنتطق ولائي
قيس ابهالولايه ابعد ولا أي
مدى صوتي يصل للكاظميه
الولاء - لا النافية - الى اي

ابوذية منهي
في حق امير المؤمنين علي بن ابي طالب عليه السلام

امر اولايته من ازل منهي
بغضك يا علي بالشرع منهي
قوم اللي تكزهاك قلبي منهي
ومنهي اللي ابحك مهنتيه
محسوم - من النهي - من هي

ابوذية دشنا
في حق الامام الجواد عليه السلام

حبك يالجواد ابشوق دَشْنَا
حفل ابمولدك هاليوم دشْنَه
صوب الكاظميه اتَجَه دُشْنَا
وينقل هالحفل للعالميّه

دَحَلْنَا - إِفْتَتِحُه - صحن الاستقبال

ابوذية وشدها
في حال السيدة زينب عليها السلام بكربراء

مصايب كربلا مرّت وشدها
شَفْتُ ابعيني هالمنظر وشدها
وأَي امصيبه يالتسأل وشدها
دهتني امصيبة احسين الشقيّه

اعظمها - لفت انتباهه - (ادهى) ايها أمر

ابوذية دراهم
في حق النبي الاكرم صلى الله عليه وآله

من عصر الجهل طه دراهم
تغريهم طمع حفنة دراهم
بالإسلام وابحيدر دراهم
نقدهم من ظلم هالجاهليّه

عرفهم - الدرهم - حماهم

ابوذية من سبواها
في حق السيدة زينب بنت علي عليهما السلام

سَبَيْتْهُمْ تراها مِنْ سَبُوهَا
نَسْبُونِي اسألتهم مَنْسَبُوهَا
من خطبة عليهم منسى ابوها
شجاعتها ابلاغه حيدريره

السيبي - لم ينسبوا - لم انسى ابها

ابوذية حجتهم
في حق السيدة زينب بنت علي عليهما السلام

على اعقول النواصب حجّ متهم
زينب بالبلاغه حجتهم
والتل من رقت له حجتهم
والتل صار بسم الزينبيه
لا يهमे الدليل - الحجام - صخرتهم

ابوذية ملاهم
في حق محمد وال محمد صلى الله عليهم اجمعين

من يقدر يصل عالي ملاهم
الاكوان ابضوى الهادي ملاهم
ملانا بالفرح لكن ملى هم
كل من للنبي سبب اذيه
الخلق والشرف - الإمتلاء - زاد غمماً

ابوذية فيكون
في حق امير المؤمنين الامام علي بن ابي طالب عليه السلام

يسائل عن علي موجود في كون
نور الله انكتب له كن فيكون
اذا مو بالأرض موجود فيكون
علي ابسابع سما والنور ضيه
في اي كون؟ - التكوين - فيصبح

ابوذية داري
في حق ام المؤمنين السيدة خديجة سلام الله عليها

صعب فقدج خديجه وبه داري
وجودج حُصن للاسلام داري
يا عام الحزن للزهرا داري
امها فارقت واهيه ابرزيه

أعلم - بيتي - لاطف

ابوذية وردى

فى حق الامام على عليه السلام

حَسِبْتُ الماي وردى وطلع وردى
من بيت الولايه اكَطِفْتُ وردى
من حوض الوصى يا ناس وردى
صب الماي ويا الوَرْدِ لِيَّه

لون وردى - الزهور - نصيبى من الماء

ابوذية وراضى

فى حق الامام على عليه السلام

انا ابحبك على ماضى وراضى
قطعت ابحور ادُّور لُك وراضى
چُنُّك طيف متخفى ورى صَبِي
طلعت انت الضوى لُنُّك ثرِيَّه

الرضا - اليايسة - خلف الضوى

ابوذية جنّبي إِبْها

فى عيد الغدير الاغر وتنصيب الامام على عليه السلام

هالبيعه ابرساله جا النبى إِبْها
يا حُم هالقوافل جنّبي إِبْها
غدير المرتضى له جَنِّه بَبْهى
صُور للماي وانهاره الجريّه

اتى بها - اجعلها بالجنب - جنة بالبهاء

ابوذية قناتى

فى الامام على عليه السلام

اثيرك موجته تنقل قناتى
غديرُك يا على منبع قناتى
إذا اتوسلك و ارمى قناتى
چنها يَمَنَّتْكَ ترمى الرَمِيَّه (الهدف)

المذيع - مجرى ماء - الرمح

ابوذية مرحب
في حق الامام علي عليه السلام

ما ظنُّ يا علي بِقَلْبِي مَرَّ حُبِّ
مثل حُبِّكَ وَقَلَّه الْفَ مَرَّحَبْ
مَنْ مِثْلَكَ علي صَارَعُ لَهُ مَرَّحَبْ
مُرَّ حُبُّكَ عَلَيَّ أَقْلُوبَ الرَّدِّيَّه

جاز به - ترحيب - مرحب اليهودي

ابوذية فتحنا
في حق امير المؤمنين عليه السلام

لُكْ لِقْلُوبِ يا حيدر فتحنا
ما غيرك علي نقصد فتحنا
قامات اشكتر قامت فتحنا
عد بابك تادي لك تحيّه

من الفتح - فتى احنا - تنحني

ابوذية وعجله
في حق صاحب العصر والزمان عجل الله فرجه

زمنًا السامري يسرح وعجله
ياربي الفرج ظهّره وعجله
وخيل المهدي مسروجه وعج له
يثير اغبار يعمي السامريّه

العجل - الاسراع - صوت مرتفع

ابوذية وداعي
لِلْأْتِراحِ اَعْلِنِها وداعي
عندي اميّه سبب افرح وداعي
للسجاد افرح له وداعي
الهي اتسر خواطر هالبريّه

ابوذية وَدِيرُك
في الامام علي عليه السلام

علي حُبِّي ابقطب قلبي وَدِيرُك
انت النظر بعيوني وَدِيرُك
يراهب هالفلك انت وَدِيرُك
كل الكون واجرامه المضِيّه

ابوذية مازال
في حق صاحب العصر والزمان عجل الله فرجه

فرج لنا يغايب دوم مازال
يشرق لك ضوى لليوم مازال
من هد قبتك من قلبي مازال
ولائي او لايزال انتظر جيّه

مستمر - لم يَمُل للمغيب - لم يمحي

ابوذية سرنا
في حق الامام الحسين عليه السلام

منظر كربلا بحسين سرنا
قَصْدْنَا المولى وابل شوق سرنا
سُر لحسين هَمّ ايصير سرنا
دم النحمله نفس الهويه

السرور - مَصِينَا - ما نخفيه

ابوذية وَحَبْن
في حب اهل بيت النبي صلى الله عليه واله

نثرنا اعلى الارض حَبْكُم وحبنا
حَبِينَا الَّذِي حَبْكُم وحبنا
حَبْكُم مَن وَحَى طه وَحَى ابنا
عَلِينَا ايشير وانحب الزچيه

الحبوب - من الود - الالهام والاشارة

ابوذية - وصيها
في حق الامام علي عليه السلام

علي من طبرته زايد وصيها
على الأمه ذرف دمعه وصيها
صلاة الله الى اولاده وصى ابها
على نهج الرساله الاحمديه

الالم - همَل - الوصيه

ابوذية احلى منه
في حق الامام الجواد عليه السلام

جودك ما وجدنا احلى منه
الله او من علينا احلى منه
طيفك وابمنامي احلمنه
يشع ابنور يضوي الكاظميه

اجمل منه - المن والهبه - من الحلم

ابوذية وتنها
خاصة في فضل الام

ساهي ابدنيتك تآمر وتنها
امك لا تُعب عنها وتنها
من اجروحك ترى ينزف وتنها
جرحك من يطيب اطيّب هيه

النهي - انتظرها - الوريد

ابوذية بركان
في حق امير المؤمنين عليه السلام

ينزف لك دما بالطبره بُرْكان
سيفك شيد الاسلام بُرْكان
قَبْلَكَ يا علي هالنَّجَف بُرْكان
واليوم النَّجَف باسمك زهيه

البركان - الاركان - كان برأ

ابوذية وراود
صورة تعبيريه عن زمن الضلالة قبل الاسلام

زمن لَصْنَام يَتَفَاخِر وِراه وِد
ارى اشكّد ناس تَعْبِدْهُمْ وارى وِد
وَأنا ابذاك الفُكْر جالس وِراود
أهِم وَاخْرُق عجل هالسامريّه

خلفه صنم (ود) - ارى حُب - يدور بفكري

ابوذية تلاها
في ذكر الصلاة على محمد وآل محمد.
صلاه بلساني بعد اسْمُكَ تلاها
كَمَلْها ابذكر أَلْكَ تلاها
مثل محبوب ومحبوبه تلاها
وابهذا الذُّكْر يَسْعِد نبيّه

قرأ - تَبِعْها - تسَلّى

ابوذية لحدّه
في افراح اهل البيت سلام الله عليهم

لَعند بيتك انا اطيوري لَجِدْها
وَتُرّف اَجْناحْها وُتصْفُق لَحَدْها
ثلاثه أيام من جِمعْه و لَحَدْها
اتهنّي ابمَوْلدك وانّرد اليّه

دلّها - اعلى شي - يوم الاحد

ابوذية قرّبه
في حق صاحب العصر والزمان عجل الله فرجه

عيش الأمل مَنكّ دوم قَرّبْه
اذا بدرْه بزغ لظهور قُرْبْه
مكانه من تزورْه اهنالك قُرْبْه
وانتظروا الفرج لا بد له جِيّه

قَرّبْ منه - آمِنْ به - استقر به

ابوذية تنويه

في حق صاحب العصر والزمان عجل الله فرجه

يمتى ايصير الك لِّلْفَرَجِ تَنْوِيهِ
ودرُبك للظهور ابنيّه تَنْوِيهِ
واثمار الفدك باليمنى تَنْوِيهِ
وتزرعها بأراضي الغاضيّ

اشهار - القصد - جَمْع نواة الثمر

ابوذية وصيله

في حق الامام علي عليه السلام

حب المرتضى وُودّه وصيله
الله اَلنَّصْبُ الطه وصي له
علي وَجّه الضوى اَبْضَبْحُه واصيله
وردت له الشّمس قبل المَسِيّه

وَصَل شئ بشئ - جعله وصي - الاصيل: بعد العصر

ابوذية بنتهم

في حق صاحب العصر والزمان عجل الله فرجه

نرجس بينهم صارت بِنْتُهُمْ
ابيوت الفرحة بالمهدي بَنْتُهُمْ
وظلت سارحة الفرحة بنا انهم
على اجنح السعاده المهدويّه

ابنة - بناء - الهمة

ابوذية من ابناه

في حق صاحب العصر والزمان عجل الله فرجه.

عشق بقلوب للمهدي من ابناه
بناه الحسن للآخر من ابناه
فرح هاليوم لا و الله مَنّا ابناه
على الأمّه وَجَب حُبّه وعليّه

شيدّه - اولاده - لا انهي عنه

ابوذية وشرعن
في حق علي بن الحسين الأكبر عليهما السلام

ابشعبان احدعش واجب وشرعن
احيي الذكرى للاكبر وشرعن
خفل يبعد هوى الباطل وشرعن
كل مؤمن فرح لجل الزجيه

ابوذية تعدله
في حق صاحب العصر والزمان عجل الله فرجه

يبو صالح .. لظهورك تعد له
ظلم واضح .. والمعوج تعد له
عدل لايح .. والظالم تعد له
إلك رايح .. زمن قسط الرعيه

الإعداد - الاستقامه - العدالة

ابوذية رحلها
في حق صاحب العصر والزمان عجل الله فرجه

يمتى انعد الى الغيبه رحلها
طخت كل صبر فينا رحي الها
فرجنا الغيبه والمهدي رحلها
ورحل للثار برض الغاضريه

المتاع - الرحي - غادرها

ابوذية الانه
في حق النبي الاكرم صلى الله عليه وآله

لداوود الحديد الله الانه
وبالفطره القلب الله الانه
كل الخير من الله الانه
وانزل رحمته ابطه نبيه
ليونه - رققه - انعم علينا

ابوذية وتنحل
في حق امير النحل امير المؤمنين عليه السلام

ابجاهك تنقضي العُقده وتنحل
اسمك زهر للنحله وتنحل
حيدر يمنتك تعطي وتنحل
كاس امن الشهد للجعفرية

ابوذية ندبنا
في حق الامام صاحب العصر عجل الله فرجه الشريف

يراعي الأمر كم ندبه ندبنا
جمرات النداء جقت ندى ابنا
إلك بالسهله كم واحد ندبنا
نريد اخبار للطلعه البهية

دعينا - النداهه - ارسلنا
